



Broj: 01-49-2-438-35/17

Datum: 16.01.2020. godine

### **Z A P I S N I K**

**sa 6. sastanka Lokalnog razvojnog partnerstva Općine Tešanj,**  
**održan dana: 16.01.2020. godine, s početkom u 15,00 sati**  
**u Sali Općinskog vijeća Tešanj**

Na sastanak putem e-mail adresa, pored članova Partnerstva pozvani i drugi predstavnici nevladinih organizacija, mjesnih zajednica, predstavnici poslovnog sektora, identificiranih marginaliziranih kategorija stanovništva i predstavnici zakonodavne i izvršne vlasti.

Na sastanku bilo prisutno 25 lica:

- Predsjedavajući PG Esmir Subašić,
- Menadžer za implementaciju Strategije Fuad Šišić,
- Alisa Ramić-Dudić (Komisija za mlade i ravnopravnost spolova),
- Safet Jašić (JU Sportsko-rekreacioni centar),
- Emina Turalić (JZU Dom zdravlja "Izudin Mulabećirović-Izo" Tešanj),
- Mirsad Srkalović (Sportski savez općine Tešanj),
- Čamdžić Elvir (Komisija za primjenu kodeksa ponašanja vijećnika i javnost rada Vijeća),
- Arijana Brkić (Općinsko pravobranilaštvo),
- Aidin Ibrahimkadić IT općina Tešanj,
- Općinski načelnik Suad Huskić i saradnici: Muhamed Hadžalić, Mensur Saletović, Unkić Nedžad, Azra Muslija, Mirnes Dedukić, Sabahudin Omerbašić i Mejra Hrnjić
- Elma Ćeman i Agić Muhamed (Komisija za pitanja mladih),
- Brkić Sead (Organizacija porodica šehida i poginulih boraca općine Tešanj),
- Travančić Muhamed (MZ Vukovo),
- Piro Amir (MZ Dž. Planje),
- Dženita Hopić i Muamer Omahać (Agencija za razvoj TRA Tešanj),
- Ferida Begović (MZ Kalošević)

Sastanak vodi predsjedavajući Lokalnog razvojnog partnerstva Općine Tešanj Esmir Subašić.

Tehnička priprema i zapisnik Mejra Hrnjić (Stručni savjetnik za upravljanje razvojem).

Predsjedavajući Partnerske grupe je u uvodnom dijelu iznio nekoliko napomena o ulozi, odgovornosti i sastavu Partnerske grupe. Takođe je istakao da su za sve protekle sjednice svi subjekti blagovremeno dobijali izvještajni materijal od strane Menadžera, kao i zapisnike sa zaključcima sa svake sjednice PG, a ukoliko je potrebno sve retroinformacije može naći u elektronskoj arhivi svoje institucije ili ih dobiti od sekretarice PG. Za današnji saziv sjednice nije dostavljen izvještaj u elektronskoj formi jer se još u nekim detaljima dorađuje, a imat ćemo njegovu usmenu prezentaciju od strane Menadžera za provođenje Strategije gospodina Fuada Šišića, kao i Plana projekata za 2020. godinu.

Jednoglasno usvojen sljedeći:

## DNEVNI RED

1. Izvještaj o realizaciji Strategije 2019. godine i
2. Plan Projekata za 2020-2022 godinu

### Ad.1

Menadžer za implementaciju Strategije - Fuad Šišić je uz prezentaciju predstavio Izvještaj o realizaciji Strategije za 2019.godinu. Izvještaj je urađen u skladu sa UNDP metodologijom. Izvještaj se sastoji od priloga, te je naglasio da nema potrebe iste pojedinačno analizirati već će isti biti dostavljeni uz konačan Izvještaj.

Ovom prilikom, prisutne je podsjetio da vizija Općine Tešanj nije više "Vizija čistoće i reda" već "Tešanj, sredina ekološke svijesti, inovativne poduzetnosti i društvene etike", te na pitanje da li nakon dvije godine od usvajanja Strategije osjećamo efekat dobili bismo različite odgovore. Efekti trebaju uticati na Viziju, a ako ne utiču ili se radi o neodgovarajućim projektima ili viziji, te je naglasio da za isto nema krivca i ne treba ga tražiti, već da treba raditi na popravljanju istih.

### Ad.2

Fuad Šišić je uz prezentaciju predstavio Plan projekata za 2020. godinu sa Budžetom za svaku aktivnost, te je prošao pojedinačno svaki projekat uz analizu.

Nakon prezentacije Izvještaja i Plana, predsjedavajući je otvorio diskusiju u kojoj su učestvovali: Elvir Čamdžić, Mirnes Dedukić i Suad Huskić.

**Elvir Čamdžić - Komisija za primjenu kodeksa ponašanja vijećnika i javnost rada Vijeća** je postavio dva pitanja. Prvo pitanje je u vezi prodaje općinskog zemljišta, šta se dobiva istim, šta je cilj, da li je navedeno planirano u Strategiji, po kojoj cijeni se prodaje, da li u pravo vrijeme i kako se drži pod kontrolom. Naglašava da postoji slučaj da se izdalo 500 duluma zemlje pod zakup na 50 ili 100 godina, a na drugom se prodaje, te daje prijedlog da se zemljište umjesto prodaje izdaje u zakup na 100 godina nekoj firmi, te ukoliko ista više ne bude postojala da se u tom slučaju zemljište opet vrati Općini na raspolaganje odnosno u vlasništvo.

Nadalje, ističe da društvena briga kao mobing i praćenje na bazi odnosa poslodavac – radnik da u tri godine nismo vidjeli ništa do toga, da se o tome povede briga, šta će se raditi na tom polju. Kao primjer navodi bolnicu, gdje ljudi i pored toga što su školovani nemaju neke plate. Jer gdje god dođe plati parking, participaciju, ističe da nam se svima odbija dio od plate za zdravstveno i opet se sve mora platiti, a cijena pregleda se povećala, te postavlja pitanje ima li općina ikakvog upliva na isto.

**Mirnes Dedukić – Općina Tešanj** je prokomentarisao da što se tiče Vizije Općine Tešanj kao "Tešanj, sredina ekološke svijesti, inovativne poduzetnosti i društvene etike" odnosno što se tiče ostvarivanja iste najbolje stojimo kod ekološke svijesti, kao što je i prikazano kroz Plan, dok kod inovativne poduzetnosti i društvene etike mi ne možemo ni uticati iz Općine, već treba više uključiti još nekog kao npr. udruženje privrednika, nevladin sektor itd.

**Suad Huskić – Načelnik Općine** se zahvalio prisutnima što daju podršku Općini Tešanj kroz PG i kao dio Tima za praćenje realizacije Strategije. Vezano za pitanje prodaje općinskog zemljišta, želi dati više informacija, budući da ono nije tretirano Strategijom na takav izričit način. Prodaja zemljišta Općine odnosno kupoprodaja nekretnina je u nadležnosti Općinskog vijeća Tešanj, a isto se radi na osnovu ukazanih potreba za novom ili postojećom nekretninom. U posljednjih šest godina svake se godine pravi Izvještaj prema Općinskom vijeću i napravljena je analiza tako da se vrijednost prodanih nekretnina uglavnom pretvarala u nove nekretnine. Uloženo je nekih 400 000 KM u poslovnu zonu Glinište, a sredstva su obezbijedena iz zemljišta koje više nije trebalo, te rješavanje saobraćajnice Jelah koja se nalazi kod Đonlagića. Isto tako, za potrebe realizacije projekta rješavanja otpadnih voda, na isti način je regulisana kupovina zemljišta. Ipak vodi se računa da to ima odgovarajuću mjeru, odnosno novac od prodaje zemljišta ne troši se u tekuće troškove već u ono što je prioritet. U ostala pitanja kao što su cijena, vrijeme i ostalo ne može se sad ulaziti, jer se radi o široj tematici.

Kod društvene brige i etičkog kodeksa, radi se o javnom sektoru, kad govorimo o odnosu poslodavca i uposlenog kao i njihovom odnosu prema viziji i vidjet ćemo šta će biti ukupni efekti. Nismo imali zainteresovanost privatnog sektora, a mi sami nismo mogli isto nametati. Kada je u pitanju bolnica, vezano za troškove pregleda, tražili su od Upravnog odbora da se očituju o istom, a vezano za parking

najveći je problem ograničenja parking mjesta uopće, te će se vjerovatno morati opet ići u kupovinu zemljišta za isto.

Na kraju diskusije usvojen je sljedeći:

### ZAKLJUČAK

**1. Izvještaj o realizaciji Strategije u 2019.g. je prihvatljiv jer je sveobuhvatan i sistematičan, te pruža sve brojne i opisne podatke o realizaciji planiranih projekata kao i mjere za unapređenje stanja u narednom periodu.**

Istovremeno, period od dvije godine praćenja implementacije Strategije ukazuje na činjenicu da je postojeća metodologija za praćenje realizacije Strategije veoma dobra jer je sveobuhvatna, transparentna i obezbjeđuje kontinuitet i puno jaču saradnju, spregu i odgovornost zainteresovanih strana, vođa projekata i organa uprave, a što se ubuduće može i treba još više unapređivati.

**2. U cilju informisanja i sadržajnijeg upoznavanja svih zainteresovanih pravnih i fizičkih lica o stepenu implementacije Strategije, Izvještaj o realizaciji Strategije za 2019.g. u roku od mjesec dana treba kandidovati kao zasebnu tačku dnevnog reda na sjednicama organa svih institucija koje čine PG.**


**3. Rukovodna tijela institucija koje čine PG trebaju nastaviti spregu i saradnju sa njima interesantnim vođama/menadžerima postojećih projekata, ili ako saradnju do sada nisu ostvarili, da to što prije urade, a sve u cilju povećanja poticanja i motivacije menadžera za što većim angažovanjem na implementaciji projekata za koje su zaduženi.**

**4. Zapisnik dostaviti svim institucijama koje su članice PG.**

Sastanak završen u 16,10 sati.

Zapisnik sačinila:

Mejra Hrnjić, stručni savjetnik za upravljanje razvojem




**DOSTAVLJENO:**

- 1. Svim pozvanim na sastanak**
- 2. a/a**



**PREDSJEDAVAJUĆI**  
**Lokalnog razvojnog partnerstva**

  
**Esmir Subašić**